



Universitätsbibliothek Paderborn

**Francisci Baconi Baronis de Verulamio, Vice-Comitis S.
Albani, Summi Angliæ Cancellarii, Opera omnia, Quæ
extant: Philosophica, Moralia, Politica, Historica ...**

Bacon, Francis

Francofurti ad Moenvm, 1665

X. Actæon & Pentheus, sive Curiosus.

urn:nbn:de:bvb:12-bsb10497643-5

volat & victorianam celebrat: Secundum Gestatio capituli *Medusa* in scuto; siquidem nullum praesidij genus huic ob præstantiam comparari possit. Unicum enim facinus insigne, & memorabile felicitè gestum, & perpetratum, omnes inimicorum motus cohibet, atq; malevolentiam ipsam stupidam reddit.

VIII.

ENDYMION, SIVE GRA
TIO SUS.

Pastor *Endymion* traditur à *Luna* fuisse adamatus: novum autem, & singulare erat consuetudinis genus, siquidem ille decumbebat in nativa quadam specu, sub *Saxis Latiniis*; *Luna* autem haud raro de Cælo peribetur descendisse, & sponiti Oscula petuisse, ac rursus in Cælum se recipisse. Neque tamen Otium istud, & somnus in detrimentum fortunarum ejus cedebat. Sed *Luna* interim effect, ut pecus ejus pingueceret admodum, ac numero etiam felicissime auctum esset, ut nulli paitorum greges essent latiores, aut numerosiores. Fabula ad ingenia & mores Principum pertinere videtur. Illi enim cogitationum pleni, & in suspicione proponi, non facilè ad consuetudinem vitæ intérieur recipiunt homines qui sunt perspicaces, & curiosi, & quasi animo vigilantes, sive ex-somnes: sed potius eos, qui ingenio sunt quieti, & morigero, & quod placitum est illis patiuntur, & nil ultra inquirunt, sed se veluti ignaros & nil tententes & quasi sponitos præbent; denique magis obsequium simplex, quam observantiam callidam præstant. Etenim cum hujusmodi hominibus Principes de Majestate sua, veluti *Luna* de Orbe superiore, descendere & personam (quam perpetuum generem intar Oneris cuiusdam sit) deponere, & familiariter versari libenter confieverunt, idque se tuto facere posse putant. Id quod in *Tiberio Cesare*, Principe omnium maximo difficulti, præcipue annotatum fuit: apud quem illi solummodo gratiosi erant, qui notitiam morum ejus reverè habebant, sed pertinaciter, & quasi stupide dissimulabant. Quod etiam *Ludovicus undecimus Francorum Regi* Principi cautissimo, & callidissimo in moribus erat. Neque ineleganter in Fabula ponitur Antrum illud *Endymionis*: quia ferè usitatum est illis, qui hujusmodi gratia apud Principes florent, habere secessus aliquos amenos, quò illos invitent, ad otium & animi remissionem absque Fortuna sua mole. Qui autem in hoc genere gratiosi sunt, plerumque rem suam bene agunt. Nam Principes licet fortasse ad honores eos non evendant, tamen cum vero affectu, nec propter utilitatem tantum illos diligant, munificientia sua eos ditare consueverunt.

IX.

SOROR GYGANTUM, SIVE
FAMA.

Memorant Poeta, *Gyantes* è terra procreatos, bellum *Iovi*, & superis intulisse, & fulmine disjectos & devictos fuisse. Terram autem Deorum ira irritatam in vindictam natorum

shorum, *Famam* progeniisse; extremam *Gygantibus* Sororem:

Illam Terrapares ira irritata Deorum Extremam (ut perhibent) Cæo Enceladoq; Sorem

Progenuit. —

Hujus Fabula ea sententia videtur esse: per *Terram*, Naturam vulgi significarunt, perpetuo tumidam & malignam verius Imperantes, & res novas parturientem: Hæc ipsa occasionem adepta, Rebelles parit & seditiones, qui Principes ausu nefario exturbare, & dejicere machinantur, quibus oppressis, eadem Plebis natura deteriorioribus favens, & tranquillitatis impatiens rumores gignit, & fusurros malignos, & Famas querulas, & famosos libellos, & cætera id genus, ad inviadim eorum qui rebus præsunt; ut Actiones Rebellenium, & Famae Seditione, genere, & Stirpe non differant; sed veluti sexu tantum; cum istæ mulieres videantur, illæ viriles.

X.

ACTÆON ET PENTHEUS,

SIVE CURIOSUS.

Curiositas humana in secretis rimandis, & eorum notitia appetitu male sano concupiscentia, & presanda, duplice exemplo apud antiques coæcretur: Altero *Actæonis*, altero *Penthei*. *Actæon* cum *Dianam* imprudens, & casu fine veste vidisset, in Cervum verius, à canibus quos alebat, dilaceratus est. *Pentheus* cum sacrificiorum *Bacchi occulorum*, confensa arbore, spectator esse voluisset, furore percitus est. Fuit autem *Penthei* Dementia ejus generis, ut res congerimatis existimaret, & duo Soles & rursus duæ *Thebae* ei ob oculos verarentur; Adeo ut, cum *Thebas* properaret, statim alteris *Thebas* conspicitus retrahatur: Atq; hoc modo perpetuo & irrequie-
tè sursum & deorsum ferretur.

*Eumenidum demens qualis videt agmina Pen-
theus,*

*Et Solem geminum, & duplices se ostendere
Thebas.*

Fabularum prætina, ad secreta Principum; Secunda, ad secreta divina pertinere videtur. Qui enim Principibus non admitti, & præter eorum voluntatem secretorum consciuntur, odium certissimum apud eos consequuntur. Itaque gnarisse peti, & occasiones captari, vitam degunt. Cervorum more timidam & suspicionibus plenam. Quin & illud sapienter accidit, ut à servis & domesticis in gratiam Principum, accusentur & subvertantur. Ubi enim Principis offendit manifesta est; quorū servi, tot ferè Proditores esse consuerunt, ut *Actæonis* fatum illos moneat. Alia est *Penthei* calamitas. Qui enim ausu temerario, mortalitatis parum memores, per excelsa Natura & Philosophia fastigia (tanquam arbore confensa) ad Mysteria divina aspirant, iis poena proposita est, perpetuae inconstantiae, & judicij vacillantis & perplexi. Cum enim aliud sit Lumen Natura, aliud Divinum, ita cum illis sit, ac si duos Soles viderent. Cumque Actiones vitæ, & decreta voluntatis, ab intellectu pendeant: sequitur etiam ut non minus voluntate, quam opiniione hæsitant, nec sibi omnino constent: Itaque & duas

Thebas

Thebas similiter vident. Per *Thebas* enim actionum fines describuntur (cum *Thebis* *Pene* he esset domus & perfunctum.) Hinc sit, ut nesciant, quò se vertant, sed de summa rerum incerti & fluctuantes, tantum subitis mentis impulsibus in singulis circumagantur.

XI.
ORPHEUS, SIVE PHILO-
SOPHIA.

Fabula de *Orpheo* vulgata, nec tamen interpretem fidum per omni sortita, *Philosophia* universa imaginem referre videtur. Persona enim *Orphei* viri admirandi, & plane divini, & omnis harmonia periti, & modis suavibus cuncta vincentis, & trahentis, ad *Philosophia* descriptiōnem faciliter transitu traducitur. Labores enim *Orphei*, Labores *Herculis*, quemadmodum opera Sapientiae, opera Fortitudinis, dignitate & potentia superant. *Orpheus* ob amorem uxoris morte immatura præceptæ, fretus lyra, ad Inferos descendere sibi in animum duxit, ut Manes deprecaretur; neque sp̄c sua decidit. Nam placatis Manibus & delinitis, suavitate cantus & Modulatiōnibus, tantum apud eos potuit, ut ei uxorem secum abducere indulsum sit: Ea tamen lege, ut illa cum à tergo sequeretur, ipse autem antequam ad luminis oras perventum esset, ne respiceret. Quod cum ille nihilominus, amoris & cura impatiens (postquam ferè in tuto esset) fecisset, rupta sunt foedera; atque illa ad inferos gradu precipiti relapsa est. Ab illo tempore *Orpheus* mœstus, & mulierum osor, in solitudines profectus est, ubi eadem cantus, & Lyræ dulcedine, primò feras omnigenas ad se traxit, adeò ut naturam suam exuentes, nec irarum aut ferocitatis mores, nec libidinis stimulis, & furoribus præcipites actæ, nec ingluviem satiare, aut præda inhiare amplius curantes, in morem Theatri, illum circumstant, benignas & mansuetæ inter se factæ, & tantum Lyra concentui aures præbentes. Neque ipsis finis, sed tanta Musica vis, & potentia fuit, ut etiam sylvas moveret, & lapides ipsos, ut illa quoque se transferrent, & sedes suas circa eum, ordine & modo decenti ponerent. Hæc ei cum ad tempus feliciter & magna cum admiratione cessarent; tandem *Thracia* mulieres stimulis *Bacchi* percitate, primò cornu raucum, & immane sonans inflarunt: Ex eo, propter strepitum, musica sonus amplius audiri non potuit: Tum demum soluta virtute, qua ordinis, & societatis istius erat vinculum, turbari cœptum est, & ferae singulæ ad naturam suam redierunt, & se invicem ut prius persecuta sunt; neque lapides, aut sylva suis manseb locis: *Orpheus* autem ipse tandem à mulieribus furentibus disceptus est, & sparsus per agros; ob cujus mortis mœrem, *Helicon* (fluvius Mufis sacer) aquas sub terram indignatus condidit, & per alia loca caput rursus extulit. Sententia Fabulæ evadetur esse. Duplex est *Orpheus* Canto: Altera ad placandos Manes; Altera ad trahendas feras & sylvas. Prior ad naturalem Philosophiam, Posterior ad Moralem, & Civilem aptissimè refertur. Opus enim naturalis Philosophiae longè nobilissimum, est ipsa restitutio, & instauratio rerum corruptibilium,

& (hujuscce rei tanquam gradus minores) corporum in statu suo conservatio, & dissolutionis & putredinis retardatio. Hoc si omnino fieri detur, certè non aliter effici potest, quam per debita & exquisita Naturæ temperamenta, tanquam per Harmoniam lyrae, & modos accuratos. Et tamen cum sit res omnium maximè ardua, effectu plerumque frustratur. Idque (ut verisimile est) non magis alias ob causam, quam per curiosam, & intempestivam sedulitatem & impatientiam. Itaque *Philosophia*, tantæ rei ferè impar; atque idcirco meritò mœsta, veritatem ad res humanas, & in animos hominum, suauem & eloquentiam, virtutis, & æquitatis, & pacis amorem insinuans populorum cœtus in unum coire facit; & juga legum accipere, & imperiis se submittere, & affectuum indomitorum obliuisci, dum præceptis, & disciplinae auscultant, & obtemperent: Unde paulo post ædificia extruuntur, Oppida conduntur, Agri & Horti Arboribus conseruntur; ut lapides, & sylvas non abs re convocari & transferri dictum sit. Atque ista rerum Civilium cura, rite atque ordine ponitur post experimentum corporis mortalis restituendi sedulo tentatum; & ad extremum frustratum; Quia mortis necessitas inevitabilis evidentius proposita, hominibus ad æternum itatem, meritis, & nominis fama quærendam, animos addit. Etiam prudenter in Fabula additur, *Orpheum* à mulieribus, & nupetis alieno animo fuisse, quia nuptiarum delinquentia, & liberorum charitates, homines plerumque à magnis, & excelsis erga res publicas meritis avertunt, dum immortalitatem propagine, non factis, assequi satis habent. Verum & ipsa Sapientiae opera, licet inter humana excellant, tamen & suis periodis clauduntur. Evenit enim, ut postquam regna, & res publicæ ad tempus floruerint; subinde perturbations, & seditiones & bella oriantur; inter quorum strepitum, primò leges conticescant, & homines ad naturam suæ depravationes redeant; atque etiam in agris, atque oppidis vastitas conspicitur. Neque ita multò post (si hujusmodi furores continentur) literæ etiam, & *Philosophia* certissimè discerpitur: adeò ut fragmenta tantum ejus, in paucis locis, tanquam Naufragii Tabulae, inveniantur, & barbara tempora ingruant; *Heliconis* aquis sub terra mersis, donec debita rebus vicissitudine, non iisdem fortasse locis, sed apud alias Nationes erumpant, & emanent.

XII.
COELUM, SIVE ORIGINES.

Tradunt Poëta *Cœlum* antiquissimum Deorum exitiisse; Hujus partes generationis à filio *Saturno* falce demelias fuisse. *Saturnum* autem sobolem numerosam generasse: Sed filios continuo devorasse: tandem vero *Iovem* exitium effugisse, & adultum, patrem *Saturnum* in Tartarum detrusisse, & regnum accepisse: quin etiam Patris genitalia eadem falce, qua ille *Cœlum* execuerat, abscidisse, atque in mare projecisse, inde Venerem natam esse. Postea vero *Iovis* regnum vix confirmatum, duo memorabilia bella exceperit. Primum *Titanum*, in quibus

Hhh 2 debel-